

Na osnovu Odluke Vlade Bosansko-podrinjskog kantona Goražde broj: 03-11-125/26 od 22.01.2026.godine o davanju saglasnosti na Program utroška sredstava Ministarstva za privredu Bosansko-podrinjskog kantona Goražde „Program razvoja turizma u Bosansko-podrinjskom kantonu Goražde za 2026. godinu, utvrđenog na ekonomskom kodu 614100 RAZ 002- Tekući transferi drugim nivoima vlasti za razvoj turizma, Ministarstvo za privredu Bosansko-podrinjskog kantona Goražde objavljuje:

JAVNI POZIV

za dostavljanje prijedloga projekata za sufinansiranje iz Programa utroška sredstava Ministarstva za privredu Bosansko-podrinjskog kantona Goražde „Program razvoja turizma u Bosansko-podrinjskom kantonu Goražde za 2026. godinu“.

1. Predmet javnog poziva

Predmet javnog poziva je prikupljanje prijedloga projekata u oblasti turizma i ugostiteljstva na području Bosansko-podrinjskog kantona Goražde s namjerom obogaćivanja ponude i stvaranja novog prepoznatljivog turističkog proizvoda, projekte koji se odnose na razvoj i proširenje turističke i ugostiteljske ponude aktiviranjem turističkih resursa i potencijala i uvrštavanje istih u turističku ponudu Bosansko-podrinjskog kantona Goražde, kao i novog zapošljavanja, pružanje podrške privrednim duštvima/obrtnicima registrovanim za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde za prevazilaženje problema u poslovanju.

2. Opšti i posebni ciljevi programa

Osnovni ciljevi Programa su projekti izgradnje novih turističko-ugostiteljskih kapaciteta u svrhu održivog razvoja turizma, sufinansiranje novih turističkih proizvoda, izrade horizontalne i vertikalne turističke signalizacije, sufinansiranje izrade originalnih turističkih suvenira, sufinansiranje nabavke i ugradnje solarnih panela na postojećim turističkim objektima, manifestacije za obogaćivanje ljetnog/zimskog turizma na području BPK-a Goražde(osim sajмова), adventi, nabavke čamaca za rafting, nabavka i ugradnja adekvatne ventilacijskih sistema u skladu sa Zakonom kontroli i ograničenoj upotrebi duhana, duhanskih i ostalih proizvoda za pušenje, opremanje kuhinja, renoviranje i uređenje prostora, nabavka aparata i uređaja, pružanje podrške privrednim duštvima/obrtnicima registrovanim za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde za prevazilaženje problema u poslovanju.

U skladu sa općim ciljem, posebni ciljevi Programa su:

1. Razvoj i unaprjeđenje održivog turizma na području BPK Goražde

Opis cilja: Ovaj cilj obuhvata: izgradnju novih turističko-ugostiteljskih kapaciteta, razvoj novih turističkih proizvoda, izradu turističke signalizacije (putokazi, trim staze, šetnice, putna odmorista, info punktovi, vidikovci, biciklističke staze i sl.), izradu originalnih turističkih suvenira, nabavku i ugradnju solarnih panela na postojećim turističkim objektima, nabavka čamaca za rafting (kapaciteta minimalno 8 ljudi) sa motorom ili bez, manifestacije za obogaćivanje ljetnog/zimskog turizma na području BPK-a Goražde (osim sajмова), adventi.

Očekivani efekti realizacije cilja 1: povećanje atraktivnosti turističke ponude kantona, povećan broj domaćih i stranih turista, produženje turističke sezone, povećanje prihoda u sektoru turizma i ugostiteljstva, jačanje lokalne ekonomije i otvaranje novih radnih mjesta, smanjenje negativnog uticaja na okoliš kroz korištenje obnovljivih izvora energije, podizanje općeg dojma o kantonu, općini kao turističkoj sredini; povećanje turističkog prometa i potrošnje.

Pravo sudjelovanja na javnom pozivu ostvaruju: privredna duštva/obrtnici registrovani za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde, udruženja koja su registrovana u oblasti turizma na području Bosansko-podrinjskog kantona Goražde, sa projektima usmjerenim na realizaciju ciljeva ovog programa.

Aplikanti na ovaj cilj mogu aplicirati samo putem Projekta.

2. Unapređenje uslova rada i boravka u ugostiteljskim objektima u skladu sa zakonskim propisima

Opis cilja: Osiguranje adekvatnih tehničkih i zdravstveno-higijenskih uslova u ugostiteljskim objektima kroz ulaganja u opremu i infrastrukturu, u skladu sa važećim zakonima. Obuhvata: nabavku i ugradnju adekvatnih ventilacijskih sistema, uređenje prostora za pušenje u skladu sa Zakonom o kontroli i ograničenoj upotrebi duhana, duhanskih i ostalih proizvoda za pušenje, kao i opremanje kuhinja, renoviranje i uređenje prostora, nabavka aparata i uređaja.

Očekivani efekti realizacije cilja 2: poboljšani uslovi boravka za goste i zaposlene, smanjenje štetnog uticaja duhanskog dima, usklađenost ugostiteljskih objekata sa zakonskim propisima, smanjenje rizika od kazni i inspeksijskih mjera, povećanje kvaliteta i standarda ugostiteljske usluge na području Bosansko-podrinjskog kantona Goražde.

Pravo sudjelovanja na javnom pozivu ostvaruju: privredna duštva registrovana za obavljanje djelatnosti iz oblasti turizma i ugostiteljstva na području Bosansko-podrinjskog kantona Goražde sa projektima usmjerenim na realizaciju ciljeva ovog programa.

Aplikanti na ovaj cilj mogu aplicirati samo putem Projekta.

3. Opći uslovi za učestvovanje u Programu

U implementaciji Programa primjenjivaće se restriktivne procedure koje omogućavaju ravnopravno učestvovanje u Programu svim licima koja spadaju u jednu od sljedećih kategorija:

a. da imaju status privrednog društva /obrtnika registrovanog u oblasti turizma ili ugostiteljstva na području Bosansko-podrinjskog kantona Goražde,

b. da imaju status udruženja i rješenje o registraciji kod nadležnog organa u Bosansko-podrinjskom kontanu Goražde u oblasti turizma,

Lica koja spadaju u kategoriju iz prethodnog stava obavezna su ispunjavati sljedeće opće uslove za učestvovanje u Programu:

1. Da imaju registraciju i sjedište na prostoru Bosansko-podrinjskog kantona Goražde,
2. Da imaju ugovor/potvrda o otvorenom bankovnom računu i da isti nije u blokadi,
3. ID broj aplikanta (identifikacioni broj aplikanta),
4. Da nemaju neizmirenih obaveza za poreze i doprinose, osim obaveza koje su obuhvaćene ugovorom o reprogramiranju duga,
5. Liste osiguranika izdana od strane Porezne uprave,
6. Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta, potpisana i ovjerena od strane podnosioca prijave,
7. Popis članova udruženja ovjeren i potpisan od strane predsjednika uduženja (samo za udruženja),
8. Da imaju Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010”,
9. Izjava da imaju OBAVEZNO 20% vlastitog učešća od ukupne vrijednosti projekta,
10. Premjer i predračunn za realizaciju apliciranog projekta,
11. Potvrda o uplaćenju boravišnoj taksi za 2025.godinu (samo za aplikante koji imaju smještajne kapacitete).

4. Posebni uslovi za učestvovanje u Programu

U implementaciji Programa, pored općih, primjenjivaće se i posebni uslovi za učestvovanje u Programu.

Posebni uslovi koji se primjenjuju za aplikante su:

1. Da spadaju u a. ili b. kategoriju lica kojima je općim uslovima omogućeno učestvovanje u Programu.
2. Da su ispunili ugovorene obaveze i namjenski utrošili sredstva odobrena od strane Ministarstva za privredu Bosansko-podrinjskog kantona Goražde u periodu od protekle tri godine ukoliko im je takva pomoć dodjeljena.
3. Da se realizacija projekta planira u skladu sa procedurama predviđenim Programom.

5. Potrebna sredstva za provođenje programa

Potrebna sredstva za provođenje Programa definisana su u Budžetu Ministarstva za privredu Bosansko-podrinjskog kantona Goražde za 2026.godinu, na ekonomskom kodu 614 100 RAZ 002- Tekući transferi drugim nivoima vlasti za razvoj turizma.

Za prvi posebni cilj: **Razvoj i unaprjeđenje održivog turizma na području BPK Goražde**, planirana su sredstva u iznosu 50.000,00 KM, po ovom cilju minimalan iznos koji može biti zahtjevan od ministarstva je od 1.000,00 KM, a maksimalan iznos koji može biti zahtjevan od ministarstva po ovom cilju je do 8.000,00 KM.

Za drugi posebni cilj: **Unaprjeđenje uslova rada i boravka u ugostiteljskim objektima u skladu sa zakonskim propisima**, planirana su sredstva u iznosu 30.800,00 KM. Po ovom cilju minimalan iznos koji može biti zahtjevan od ministarstva je od 1.000,00 KM, a maksimalan iznos koji može biti zahtjevan od ministarstva po ovom cilju je do 3.000,00 KM.

Aplikanti su dužni obezbjediti obavezno 20% vlastitog učešća od ukupne vrijednosti projekta.

Prijedlozi projekata čiji ukupni iznosi prelaze minimalni i maksimalni iznos projekta u kojima je planirani grant veći ili manji od utvrđene visine, projekti u kojima nije obezbjeđeno vlastito učešće i projekti pisani rukom će u fazi administrativne provjere biti automatski odbijeni kao neprihvatljivi za finansiranje.

6. Pravo učešća

Sredstva su namijenjena privrednim društvima, obrtnicima, ugostiteljima, i udruženjima koja su registrovana kod nadležnog organa za oblast turizma na području Bosansko-podrinjskog kantona Goražde, a koji apliciraju sa projektom koji je u skladu sa općim i posebnim ciljem Programa.

Obrtnici koji su registrovani za sezonsko obavljanje djelatnosti nemaju pravo učešća.

7. Način raspodjele/odabir korisnika sredstava

Dostavljeni aplikacioni obrazac sa projektom, u skladu sa odredbama Programa, procjenjuje Komisija imenovana od strane Ministra za privredu Bosansko-podrinjskog kantona Goražde.

Konačnu Odluku o dodjeli sredstava donosi Vlada Bosansko-podrinjskog kantona Goražde na prijedlog Ministra za privredu Bosansko-podrinjskog kantona Goražde.

8. Obavezni prilozi

Aplikanti su dužni dostaviti prijedloge projekata u formi koja je propisana od strane Ministarstva za privredu Bosansko-podrinjskog kantona Goražde. Aplikacioni obrasci prijedloga projekata kao i Program Ministarstva za privredu mogu se preuzeti sa internet stranice Vlade Bosansko-podrinjskog kantona Goražde www.bpkgo.ba.

Aplikant je dužan dostaviti sljedeće:

- a) Popunjenu, potpisanu i ovjerenu Aplicionu formu za dostavljanje prijedloga projekata (aplikacioni obrazci se preuzimaju sa web stranice Vlade Kantona www.bpkg.gov.ba);
- b) Original ili ovjerena kopija Rješenja o registraciji od nadležnog organa (ovjera ne starija od 3 mjeseca od dana apliciranja);
- c) Original ili Ovjerena kopija dokumenta iz kojeg je vidljiv broj transakcijskog računa na koji će se doznačiti sredstva i da isti nije u blokadi. (ne starije od 30 dana od dana apliciranja);
- d) Original ili ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana apliciranja);
- e) Original ili ovjerena kopija Uvjerenja od Porezne uprave o izmirenju poreza i doprinosa za sve uposlene (ne starije od 30 dana od dana apliciranja);
- f) Original ili ovjerena kopija Liste osiguranika izdana od strane Porezne uprave (ne starija od 30 dana od dana apliciranja);
- g) Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta, potpisana i ovjerena od strane podnosioca prijave;
- h) Popis članova udruženja ovjeren i potpisan od strane predsjednika udruženja (samo za udruženja);
- i) Original ili ovjerena kopija Obavještenja o razvrstavanju pravnog lica po „Klasifikaciji djelatnosti Bosne i Hercegovine 2010”, (ovjera ne starija od 3 mjeseca od dana apliciranja);
- j) Izjava da imaju OBAVEZNO 20% vlastitog učešća od ukupne vrijednosti projekta,;
- k) Predračun za realizaciju apliciranog projekta;
- l) Original ili kopija Potvrde o uplaćenju boravišnoj taksi za 2025. godinu (samo za aplikante koji imaju smještajne kapacitete). (ne starija od 30 dana od dana apliciranja).

Udruženja koja nemaju zaposlenog/ih, ne dostavljaju dokumentaciju navedenu pod tačkom e) i f).

9. Način podnošenja prijave

Prijedlozi projekata sa odgovarajućom dokumentacijom dostavljaju se na protokol Ministarstva za privredu Bosansko-podrinjskog kantona Goražde ili preporučenom poštom u zapečaćenim kovertama na adresu:

**Ministarstvo za privredu Bosansko-podrinjskog kantona Goražde ul
M.Tita 13, Goražde 73000**

sa naznakom:

za Javni poziv za odabir korisnika sredstava po „Programu razvoja turizma u Bosansko-podrinjskom kantonu Goražde za 2026. godinu“ „NE OTVARAJ“

Na poledini kovert obavezno navesti naziv – ime podnosioca prijave, adresu i kontakt telefon i ovjeriti pečatom poslovnog subjekta.

Javni poziv će biti otvoren do 30.10.2026. godine ili do utroška sredstava predviđenih ovim Programom.

Javni poziv se objavljuje na internet stranici Ministarstva za privredu Bosansko-podrinjskog kantona Goražde i oglasnoj tabli resornog ministarstva.

Prijave primljene nakon isteka roka bit će odbačene i neće biti predmet razmatranja.

U slučaju nedostatka sredstava u Budžetu Kantona, obustavlja se realizacija dodjele sredstava. Ministarstvo ne snosi troškove nastale u vezi sa prijavom na Javni poziv.

10. Ostale odredbe

Sa aplikantima čiji se zahtjevi projekata prihvate biće potpisani Ugovori o sufinansiranju odobrenih projekata, kojim će biti preciziran način i dinamika korištenja odobrenih sredstava, te nadzor nad utroškom istih u namijenjene svrhe.

Sve dopunske informacije vezane za Javni poziv mogu se dobiti svakim radnim danom putem telefona, broja 038/224-264 od 08,00 do 16,00 sati.

Broj: 04-11-1210 / 26
Goražde, 17. 08. 2026 godine



MINISTAR

Mr.sc. Mensad Arnaut